



# DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

## QUÆSTIO MEDICA,\*

CARDINALITIIS DISPUTATIONIBUS,  
*manè discutienda in Scholis Medicorum, die Martis vigesima-tertia mensis  
Martii, anno Domini M. DCC. LXXIII.*

PRÆSIDE,

M. PETRO LALOUE, Equite,  
Doctore Medico.

*An ad sanitatem ut corporis, sic & mentis exercitatio?*

I.



T sue felicitatis, ita & suarum miseriarum artifex homo. Naturæ vertit in crimen quod sit incerta fallaxque valetudo, vita fluxilis, promptior lethi necessitas. Quin potius accusemus ingluviem, intemperantiam, effrena animi pathemata, venerem indomitam, torporemque illum quem sub otii nomine summum sibi bonum animis fingunt plurimi. Ita hominē bene consuluit natura, ut illa voluerit cætera animalia ab homine non solā rationis præstantiā, sed etiam cor-

\* Auctore M. P. J. C. MAUDUYT DE LA VARENNE, D. M. P. anno 1759.

(a) *Vid. Theſ. an omnium animalium homo robuſtiſſimus, anno 1710. M. de la Hire.*

porum robore ſuperari. (a) Homo namque inter animalia ſolus qui quadraginta per annos non ceſſet à laboribus variis, continuis, multiplicibus. Tanta inſiſta eſt corpori ejus vis vitæ, ut nullius alius animalis tantum ſit robur, quod æquè ſuperare poſſit incommoda, quæ perpetuò viventibus procreant inevitabilis aeris neceſſitas, tempeſtatum viciffitudines, valoris & frigoris vices. regionum aſpectus varius, varietasque alimentorum. Quacumque enim patet terra reperiuntur homines, ſolaque ſpecies hominum habitat ubique. Ceſſemus igitur ab injuſtis queſtionibus, ultròque cum Quintiliano proſiteamur : *frustra mala omnia ad crimen naturæ relegamus, nemo niſi ſua culpa diu dolet.* Verùm & ſe ipſo & iis quæ ipſum circumambiunt homo nescit uti. Intemperans eſt, gulæ deditus; noctis dieque vicē mutat, ità ordinem naturæ ſubvertit, ut æſtate glaciem amet, hyeme frigus cautius vitet. At inter rerum non naturalium crebros abuſus, undè infirma hominum valetudo degeneriſque humanæ ſpeciei ruina, non ultimus numerandus, torpor ſive corporis, ſive animi.

## I I.

(a) Lib. 1.  
cap. 1. p. 20.  
(b) Cap. 4.  
ſ. 1.  
(c) N. 1044.

**Q**UANTUM ad robur & ſanitatē conferat corporis exercitatio, ut innu-mera probant rerum experimenta, ſic uno ore omnes conclamant (a). *Ignavia, ait Cæſus, corpus hebetat, labor firmat, illa maturam ſenectutem, hic longam reddit adoleſcentiam.* (b) *Chæneus* verò motus & quietis commodam inſtitutionem non minoris ferè ad vitam ſanam momenti eſſe, quàm ad ipſam vitam nutrimentum, affirmat. (c) *Boerhaavius* ipſe noſter motum corporis ad primum uſque exortum leniſſimi tudoris, vel uſque ad ſenſum incipientis laſitudinis commendat. Exindè fortaſſe fertur quod ipſe ſolium habuerit unà quæque die equum conſcendere, atque duarum circiter horarum ſpatio, indulgere exercitio : ſcilicet ut experiretur quid in robuſto corpore mens ſana poſſit exequi. Etenim illæ gentes cæteris populis & animorum & corporum viribus præſtitere ſemper, quas labor magis impiger induraverat. Quàm ingens, *referente Tacito*, Germanis olim corporum robur, quàm firma illis animorum conſtantia, cùm libertatis amor Romanæque ſervitutis odium ipſos exerceret. Gentium Regina ſuccubuit viſtrix Roma, poſtquam cives ejus otio diſfluxerunt. Ipſam ſubvertit dura gens quam aluerat ſeptentrio : adeò nihil non ſuperat labor improbus. Et verò mollis eſt Aſiaticus non ſolummodo quòd ejus membra calor reſolvat, ſed inſuper quòd facilis pateat undiquè campus rerum omnium quæ ſunt ad vitam neceſſariæ ex ſe, proprio telluris munere, abſque hominum labore ferax; dum contrariâ ex parte durus ſeptentrionis incola non niſi defatigatus altos montes ſuperat, denſa penetrat nemora, gelu conſtrictam aratro ſcindit tellurem, nec niſi multo labore vitæ ſuſtentamina ſibi congerit. Sed quid opus externis? Ruricola quàm firmâ gaudet valetudine! Magnatibus verò quàm delicatula corporum compages, quàm obnoxia millenis morbis ruſtico incognitis. Melius antiqui quàm nos. Jure enim ſuo Athenenſium, Lacedæmoniorumque Legiſlatores Gymnaſticam artem tantopere commendabant; quin eam ipſe *Lycurgus* ſacrâ religionis autoritate confirmatam voluerat. Sed quid molior multa? Natura pueros quos amat adhuc, gremioque fovet, ut pote pueros innocuoſque à contagio vitæ, perpetuò invitât ad curſus, ſubſultus, generis omnis motus. Ipſa inter eos choreas agitât manuque ſublevat, Miſerrimum nobis quòd deinceps longius à naturâ recedamus.

QUAMVIS quænam vincula corpus & animum conjungant inter se, ex quo extitere Philosophi, disputatum fuerit, nec dum inventum sit ac demonstratum; nihilominus manet inconcussum, in homine præter corpus dari substantiam dissimilem à corpore, inextensam, animi nomine insignitam. Utriusque illius substantiæ divinitus unitæ, tale existit commercium, ut utraque agat in se recipere. Namque non solummodo morborum pestes mentem perturbant, sed & variæ animi affectiones varia producant in corpore symptomata. Undè ad sanitatem corporis multi refert qualem servaveris animæ statum. Nam non cogitandum aut fingendum cum quibusdam omnem animi affectionem omnino pendere à corpore; omniumque pathematum corporeas existere causas. Nihil potest assignari in corpore amoris aut odio simile. Illa non in organis, sed sunt in animâ. Et quemadmodum Logici docent calorem non inesse in igne, sed intrâ animam, sic amor aut odium insunt non in nervis variè motis, sed in mente. (a) Atque ita tamen sumus instructi, ipse ait Boerhaavius, ut hac conditio mentis, amoris aut odii excitet in corpore motus. Undè mentem in corpus agere probatur abundè, cum in corpore motus mens excitet. Sed si sit mens agens in corpus, refert quales, quantos, quàm placidos aut inordinatos in ipso motus fuscitet. Nunc verò demonstrandum incumbit quòd, mens si diutius torpescerit nec longo dederit usu suos motus moderari, impossibile esse, ut, multis in casibus, ea quæ sunt utilia, de corporis motibus statuere possit.

(a) N°. 573.

## IV.

QUEMADMODUM exercitio corpus induratur, sic labore mens firmatur, aptiorque evadit rerum naturas callere earumque prætum iusti æstimare. Exindè molestiæ quæ nos quotidie quamdiu vivimus lacescunt, huiusque humanæ nostræ conditionis indivulsæ sunt comites, cum miserias & cruciatus procreant iis hominibus quorum mens est levior, omni proindeque muliercularum genti, sapientem ferunt impavidum. Animum verò regere quanti ad sanitatem corporis interfit, quis non videt? Verum quis modus animum servare tranquillum adversus seipsum, civium injurias, bellatorum furores, suorum funera, nisi adversus tanta hæc mala in scriptis Philosophorum præsidia fumendo? Quantas in corpore tragœdias excitet immoderatus animi impetus, sola satis demonstrat ira, dum torvo lumine vultum, modò pallore, modò intenso rubore suffundens, dentibus infrendit, atque omnis generis vasorum canale coarctato angustatoque spiritum pluribus intercludit. (a) Suo jure Perisensis Scholæ Magister thesım scripsit quâ demonstrat omnes animi passiones, exceptâ moderatâ latius, sanitati nocere. Namque vel fibras laxant, harumque tonum omnino subvertunt, vel eas tendunt nimis, mortemque cum rigiditate citius inferunt omnia animi pathemata. Dicat Sanctiorius ut insensibilem transpirationem turbare, mutare, sistere, valeant animi affectus. Dicant Practici quanti in morbis momenti sit placido esse animo; quot morti tradat vesanus mortis timor; quoties præjudicata opinio insanabilia reddiderit ea, quæ periculi nihil habebant. (b) Digna quæ notetur historia virginis cujusdam Massiliensis, quæ, tempore quo pestis Massiliam depulabatur, peste cum ipsa tentaretur, ad hunc pervenit morbi gradum, ex quo vitæ reddebatur nullus, unaque plura inter millia convalluit, ex eo scilicet, quòd quo instante ducubuit, ipsi cum fucum facerent Medici, salubri errore delusa, alio quàm peste morbo se laborare, quamdiu duravit ipsius morbus, arbitrata est. Ipsi verò Medici undè nosocomia, pestiferorum domos, mortis atria ingre-

(a) Anno 1731.  
Præside M.  
Picaux.(b) Traité de  
la Peste, p. 476.

diuntur illæsi, nisi quia mens ipsis cum sit exercitata magis, sapientior quoque & firmior est, nec turbetur iis quæ cæteris hominibus vix sunt tolerabilia. At verò gens melancholicorum, ad quos maximè pertinet nostra propositio, undè tot mileris cruciatur, vexaturque? Non tam in ventriculo lenta morbi tabes, non tam in obstructis visceribus, aut denso nec circulante purpureo latice recondita latet, quam in eorum vivendi genere. Maximum illis malum est otium, maxima pestis vitæ pondus & horarum. Hinc ipsis vel levissimus in vitâ eventus instar supplicii est, ægraque mens trahit insons corpus in partem magnam miseriarum. Vis citò convalescant? Aliquod negotium iis fuscita, facque ita, ut ex otio disturbentur.

## V.

NEC obiciat aliquis magnam hominum partem, agricolas nempe, omnisque generis artifices, integerrimâ gaudere sanitate absque ullâ mentis exercitatione. Ii namque homines, operibus suis dum sunt intenti, minimè sunt otiosi. Quemadmodum enim litteratis hominibus deambulare exercitium, sic rustico, vel levis animi attentio, labor est. Diverſa namque sunt, ut corporum, sic ingeniorum, pro diversis tum ætatibus, tum conditionibus instituenda exercitii genera. Præclare igitur Galenus, (a) fieri, potest ut idem motus alteri sit exercitio, alteri non sit. Non igitur matribus nostris, magnatibusque viris, autor fuerim ut mollia frangant duris membra laboribus; ipsos sed ad jucundiora, nec minùs utilia, invitaverim. Quod sibi scientiarum aut artium genus placeat magis, quisque videat & quò trahit sua voluptas, sequatur. Dulce sequi quidquid placet: & tot habet rerum natura quæ placere possint. Si te juvarint cantus, cantare bonum mollesque agitare choræas. Multa potens agere in corpus nostrum musica, quæ trahit in consensum volentes nolentesque: (b) cui orbis imperium, à Romanis occupatum, referre non dubitavit magnus inter multos Gallorum duces, comes Saxonius. Enim vero dum nervus auditorius, tam crebras multiplicesque ac miras in corpore jungit connexiones, quos ab aëre tremores accepit, in toto corpore diffundit, totaque intus moles agitur. Dulce est errare silentibus in sylvis ubi teneros amores avium populus suspirat; aut viridem peragrarè pratum, florumque carpere odores. Nec omiserim, blandam voluptatem, historiæ naturalis studium. Illo namque studii genere mens eruditur, corpusque exercetur. Utile quidquid corpus aut mentem exercet, utilis & mentem & corpus simul exercere. Cuicumque igitur sanitas curæ est, ille & animi & corporis, angue pectus, otium vitet.

(a) De San.  
tuend. lib. 2.

(b) Reveries,  
art. de la tact.

*Ergò ad sanitatem, ut corporis, sic & mentis exercitatio.*

Proponebat Parisiis JOANNES - FRANCISCUS - ACHILLES LALOUETTE,  
Parisiinus, Eques, Saluberrimæ Facultatis Medicinæ Parisiensis Baccalaureus,  
A. R. S. H. 1773. A SEXTA AD MERIDIEM.

---

Typis QUILLAU, Saluberrimæ Facultatis Medicinæ Typographi. 1773.